

Tá neamh agus talamh lán de do ghlóir.  
Hósanna sna harda.  
Is beannaithe an té atá ag teacht in ainm anTiarna.  
Hósanna sna harda.

Rúndiamhair an chreidimh.  
A Shlánaitheoir an domhain, slánaigh muid, tusa a shaor muid trí do chros agus trí d'aiscírí.

### Deasghnúth na Comaoineach

Aitheanta an tslánaithe dár dtreorú agus briathar Dé dár dteagasc, tá sé de mhísneach againn a rá:

Ár nAthair atá ar neamh.....

Saor sinn ó gach olc, impímid ort, a Thiarna.  
Tabhair dúinn go cineálta síocháin lenár linn,  
ionas go mbeimid, le cúnamh do thrócaire,  
saor ón bpeaca i gcónaí agus slán ón uile bhuaire  
agus sinn ag súil leis an dóchas naofa agus  
le teacht ár Slánaitheora, Íosa Críost.

Óir is leatsa an ríocht agus an chumhacht agus an ghlóir trí shaol na saol.

A Thiarna Íosa Críost, a dúirt le d'Aspail: Fágaim síocháin agaibh, tugaim daoibh mo shíocháin: ná féach ar ár bpeacaíne ach ar chreideamh d'Eaglaise; deonaigh síocháin a thabhairt di agus í a aontú, faoi mar is toil leat féin, tusa a mhaireann agus a rialaíonn trí shaol na saol. Amen.

Síocháin an Tiarna libh i gcónaí.  
Agus le do spiorad féin.

A Uain Dé, a thógann peacaí an domhain, déan trócaire orainn.

A Uain Dé, a thógann peacaí an domhain, déan trócaire orainn.

A Uain Dé, a thógann peacaí an domhain, tabhair dúinn síocháin.

Seo é Uain Dé, seo é an té a thógann peacaí an domhain. Is méanar dóibh siúd a fuair cuireadh chun séire an Uain.

A Thiarna, ní fiú mé go dtiocfá faoi mo dhíon, ach abairse an focal agus leigheasfar m'anam.

### Iarchomaoineach

Go ndéana an rúndiamhair seo sinn a leasú idir anam agus chorp, a Thiarna. Go rabhaimid páirteach lenár dTiarna ina ghlóir, ós rud é go mbímid páirteach ina pháis san Aifreann nuair a fhógraítear a bhás. Ár nguí

### An Deasghnúth Deiridh

Go raibh an Tiarna libh. Agus le do spiorad féin.  
Go mbeannaí Dia uilechumhachtach sibh, Athair, Mac agus + Spiorad Naomh. Amen.

Imígi faoi shíocháin ag glóiriú anTiarna le bhur mbeatha. **Buíochas le Dia.**

Toradh 50/50 Coiste na Minna  
22/09/2024

Buaiteoir den €1,070

Marie Clancy, Béal n'Atha, Minna

Duais Díoltóra de €50.00

Marie Clancy, Na Minna.

Míle Buíochas as bhur dtacaíocht

### Aifrinn i rith na seachtaine i gCill Éinde.

Ní bheidh aon aifreann i rith na seachtaine go dtí go bhfógrófar a mhalairt.

Tamall ag guí i láthair na hEocairiste i gCill Éinde, An Spidéal  
Gach Satharn 10am—11am


Fáilte roimh chuile dhuine.

### A Mhuire Mháthair.

A Mhuire 'Mhathair, 'sé seo mo ghuí,  
Go maire Íosa go deo 'mo chroí.  
Ave Maria, mo ghrá, Ave, Is tusa mo mháthair

A Mhuire 'Mhathair, i rith mo shaoil,  
Bí liom mar dhídean ar gach aon bhaol. (Curfá)

A Mhuire 'Mhathair 'tá lán de ghrást',  
Go raibh tú taobh liom ar uair mo bháis. (Curfá)



## PARÓISTE AN SPIDÉIL AN SÉU DOMHNACH FICHEAD 28Ú/29Ú MEÁN FÓMHAIR 2024

An tAth. Daniel Gallagher

www.cilleinde.ie

Uaireanta Oifige: Dé Máirt, Déardaoin, Dé hAoine 10.00rn –2.00in Oifig: 083 8126745 Rí-omhphost: cilleinde@outlook.ie

			<b>AIFRINN &amp; INTINNÍ NA SEACHTAINE</b>
			<b>CILL ÉINDE, AN SPIDÉAL</b>
Dé Sathairn	28ú	6.00i.n.	
Dé Domhnaigh	29ú	11:00r.n.	Séamus Mac Conaonaigh (McNena) <b>Cinn Bliana Coilleach</b>
Dé Sathairn .	5ú	6.00i.n.	
Dé Domhnaigh	6ú	11.00r.n.	Nora & Pádraic Ó Cualáin <i>Bothúna</i>
			<b>CILL TREASA, ROS A' MAIL</b>
Dé Sathairn	28ú	7.30i.n.	<i>Missa Pro Populo</i>
Dé Sathairn	5ú	7.30 i.n	
			<b>CILL MUIRE, NA MINNA</b>
Dé Domhnaigh	29ú	9.30r.n.	<i>Missa Pro Populo</i>
Dé Domhnaigh	6ú	9.30r.n.	

## FÓGRA

- Ní bheidh an tAthair Daniel ar ais go Mí na Samhain .
- Mar gheall go bhfuil sé deacair sagart a fháil le aifreann a clúdach ní bheidh aon Aifreann i gCill Éinde, tráthnóna Dé Satharn ar feadh mí Deireadh Fómhair.
- Nilimid ag glacadh le hiarratais ar bhaiste sa bParóiste go dtí go bhfógrófar a mhalairt.

## Loinneog don Iontróid

Gach a ndearna tú linn, a Thiarna, rinne tú iad sa tslánchóir; pheacaíomar i d’aghaidh agus níor ghéilleamar do d’aitheanta; ach tabhair glóir do d’ainm, agus láimhsigh sinn de réir do chineáltachta gan teorainn.

### Gníomh Aithrí

A phobal Dé, tugaimis ár bpeacaí chun cuimhne chun gurbh fhiú sinn na rúndiamhra naofa a cheiliúradh.

**Admhaím do Dhia uilechumhachtach, agus daoibhse a bhráithre, gur pheacaigh mé go trom, le smaoineamh agus le briathar, le gníomh agus le faillí, trí mo choir féin, trí mo choir féin, trí mo mhórchoir féin.**

**Ar an ábhar sin, impim ar Naomh-Mhuire Síor-Ógh, ar na hAingil agus ar na Naoimh, agus oraibhse, a bhráithre, guí ar mo shon chun ár dTiarna Dia.**

Go ndéana Dia uilechumhachtach trócaire orainn, go maithe sé ár bpeacaí dúinn, agus go dtreoraí sé chun na beatha síoraí sinn. **Amen.**

A Thiarna, déan trócaire. **A Thiarna, déan trócaire.**
A Chríost, déan trócaire. **A Chríost, déan trócaire.**
A Thiarna, déan trócaire. **A Thiarna, déan trócaire.**

### An Ghlóir

Glóir do Dhia sna harda, agus ar talamh síocháin do lucht dea-thola. **Molaimid thú; móraimid thú; adhraimid thú; tugaimid glóir duit; gabhaimid buíochas leat as ucht do mhórghlóire; a Thiarna Dia, a Rí na bhflaitheas; a Dhia, a Athair uilechumhachtaigh.**

**A Thiarna, a Aonmhic, a Íosa Críost. A Thiarna Dia, a Uain Dé, Mac an Athar, tusa a thógann peacaí an domhain, déan trócaire orainn; tusa a thógann peacaí an domhain, glac lenár nguí. Tusa atá i do shuí ar dheis an Athar, déan trócaire orainn.**

**Óir is tú amháin is Naofa; is tú amháin is Tiarna; is tú amháin is Ró-Ard, a Íosa Críost, mar aon leis an Spiorad Naomh: i nglóir Dé an tAthair. Amen.**

#### Urnaí

Is le taise agus le trócaire is mó a thaispeánann tú do mhórchumhacht dúinn, a Dhia. Tál orainn do thrócaire go fial ionas go leanfaimid sa tóir ar na nithe a gheall tú dúinn, agus go bhfaighimid ár gcion de ghlóir na bhflaitheas. Sin é ár nguí chugat trinár dTiarna. **Amen.**

### Liotúirge an Bhriathair

#### An Chéad Léacht

*Sliocht as leabhar na nUimhreacha - 11:25-29*

Tháinig an Tiarna anuas sa Néal agus labhair le Maois

agus thóg de cuid den spiorad a bhí air agus chuir é ar an seachtó seanóir. Nuair a luigh an spiorad orthu rinneadar fáidheadóireacht, ach ní dhearnadar sin arís.

D’fhan beirt fhear sa champa - Eldad ab ainm do dhuine díobh, agus Médad ab ainm don duine eile. Luigh an spiorad orthu; cé nach ndeachadar go dtí an Puball, cláraíodh a n-ainmeacha fara an chuid eile. Chromadar ar fháidheadóireacht sa champa. Rith an fear óg seo leis an scéala go Maois: ‘Féach! seo Eldad agus Médad ag fáidheadóireacht sa champa!’ Ansin dúirt Íosua mac Nún, duine a rinne fónamh do Mhaois óna óige: ‘A Mhaois, a thiarna, cuir cosc leo!’ Ach duirt Maois leis: ‘An amhlaidh atá formad ort ar mo shonsa? Uch nach fáithe iad pobal an Tiarna ar fad, agus nár chuir an Tiarna a spiorad orthu go léir!’ *Briathar an Tiarna. Buíochas le Dia.*

#### Salm le Freagra – Sm 18

*Fr: Cuireann proiceapta an Tiarna áthas ar an gcroí.*

- Tá dlí an Tiarna go foirfe, tugann sé fortacht don anam, tá foráil an Tiarna go daingean, tugann sí teagasc do na haineolaigh. *(Fr)*
- Tá eagla an Tiarna go hion ag maireachtáil de shíor; tá breitheanna an Tiarna go fíor, is tá siad uile go cóir.*(Fr)*
- Múineann siad eolas do do ghiolla; cúis luaíochta a gcomhlíonadh. Cé a fhéadann a chionta a chomhaireamh? Glan mé ó pheacaí folaigh. *(Fr)*
- Caomhnaigh do ghiolla ar an uabhar sula bhfaighe sé mo bhua. Ansin is ea a bheidh mé gan smál, saor ar thrompheaca. *(Fr)*

#### An Dara Léacht

*Sliocht as litir N. Séamus - 5:1-6*

Anois, a dhaoine saibhre, tosaígi ag gol, caoinígi na tubaistí atá ag dul ag titim oraibh. Tá bhur gcuid saibhris ag lobhadh, tá na leamhain ag ithe bhur gcuid éadaí. Tá bhur gcuid óir agus airgid ar fad ag éiri meirgeach, agus beidh an mheirg sin ina fianaise in bhur n-aghaidh agus ní bheidh greim de bhur gcuid feola nach n-íosfaidh sí. Tine loiscneach a chuir sibh i dtaisec daoibh féin le haghaidh na laethanta deireanacha. Bhain oibrithe bhur gcuid gort agus choinnigh sibh cuid dá dtuarastal uathu go fealltach. Tá an tuarastal sin ag éamh os ard: cuimhnígi go sroicheann éamh na mbuanaithe cluasa Thiarna na Slua. Chaith sibh bhur saol ar an talamh le sócúl is le só: lá an áir bhí sibh go sásta ag ithe bhur saith. Sibhse a dhaor na neamhurchóidigh agus a mharaigh iad. Níor chuir siad in bhur gcoinne.

*Briathar an Tiarna. Buíochas le Dia.*

Alleluia, alleluia!

Is dílis é an Tiarna ina bhriathra uile,

agus is naofa é ina oibreacha uile.

Alleluia

#### Soiscéal

Marcus - 9:38-43, 45, 47-48

*Sliocht as an Soiscéal naofa de réir N. Marcus*

#### Glóir duit, a Thiarna.

Dúirt Eoin le hÍosa: ‘A Mháistir, chonaiceamar duine nach leanann sinn ag caitheamh deamhan amach i d’ainmse, agus chuireamar cosc leis mar níor lean sé inár mbuíon.’ Dúirt Íosa: ‘Ná cuirigi aon chosc leis; ní aon duine a dhéanfaidh míorúilt i m’ainmse agus a fhéadfáidh, go luath, an drochfhocal a bheith aige orm; óir an té nach bhfuil inár n-aghaidh, tá sé ar ár son.’

‘Má thugann duine ar bith cupán d’fhíoruiscce daoibh as ucht gur le Críost sibh, deirim libh go fírinneach nach mbeidh sé gan a thuarastal a fháil.

‘Ach má thugann aon duine scannal do dhuine ar bith de na rudaí beaga seo a chreideann ionamsa, b’fhearr dó go gcuirfi bró mhuilinn faoina mhúineál agus é a chaitheamh san fharraige. Más siocair pheaca duit do lámh, gearr anuas í; is fearr duit dul isteach sa bheatha i do mhairtíneach ná an dá láimh a bheith agat agus tú a dhul go hifreann, an tine nach féidir a mhúchadh. Agus más siocair pheaca duit do chos, gearr anuas í; is fearr duit dul isteach sa bheatha bacach ná an dá chois a bheith agat agus tú a chaitheamh in ifreann. Agus más siocair pheaca duit do shúil, caith uait í; is fearr duit a bheith ar leathshúil ag dul isteach i ríocht Dé ná an dá shúil a bheith agat agus tú a chaitheamh in ifreann, an áit nach n-éagann an phéist acu agus nach múchtar an tine.’ Soiscéal an Tiarna. **Moladh duit, a Chríost.**

#### An Chré

**Creidim in aon Dia amháin, an tAthair uilechumhachtach, a rinne neamh agus talamh, agus an uile ní sofheicthe agus dofheicthe. Agus in aonTiarna amháin Íosa Críost, Mac Aonghine Dé, an té a rugadh ón Athair sula raibh aon saol ann, Dia ó Dhia, solas ó sholas, Fíor-Dhia ó Fhíor-Dhia; an té a gineadh agus nach ndearnadh, agus atá de chomhshubstaint leis an Athair: is tríd a rinneadh an uile ní.**

**Ar ár son-na, an cine daonna, agus ar son ár slánaithe, thuirling sé ó neamh. Ionchollaíodh le cumhacht an Spioraid Naoimh é i mbroinn na Maighdine Muire agus ghlac sé nádúr daonna. Céasadh ar an gcros é freisin ar ár son faoi Phointias Píoláit; d'fhulaing sé páis, agus adhlacadh é.**

**D’aiséirigh an treas lá de réir mar a d'fhógair na Scrioptúir; chuaigh suas ar neamh; tá ina shuí ar dheis an Athar.**

**Tiocfaidh sé an athuair faoi ghlóir, le breithiúnas a thabhairt ar bheo agus ar mhairbh, agus ní bheidh deireadh lena ríocht.**

**Creidim sa Spiorad Naomh, Tiarna agus bronntóir na beatha,**

**an té a ghluaisceann ón Athair agus ón Mac. Tugtar dó adhradh agus glóir, mar aon leis an Athair agus leis an Mac: is é a labhair trí na fáithe. Creidim san aon Eaglais, naofa, chaitliceach, aspalda.**

**Admhaím an t-aon bhaisteadh amháin chun maithiúnas na bpeacaí.**

**Agus táim ag súil le haiséirí na marbh, agus le beatha an tsaoil atá le teacht. Amen.**

#### Liotúirge na hEocairiste

Is beannaithe thú, a Thiarna, a Dhia na cruinne, mar gur bhronn tú orainn as do lámhhaireacht an t-arán seo a ofráilimid duit: an talamh agus saothar an duine a thugann é mar thoradh, agus déanfar de arán na beatha dúinn. **Moladh go deo le Dia.**

Is beannaithe thú, a Thiarna, a Dhia na cruinne, mar gur bhronn tú orainn as do lámhhaireacht an fíon seo a ofráilimid duit: an fhíniúin agus saothar an duine a thugann é mar thoradh, agus déanfar de deoch spiorádálta dúinn. **Moladh go deo le Dia.**

Guígi go nglacfaidh Dia, an tAthair uilechumhachtach, leis an íobairt seo uaimse agus uaibhse.

**Go nglaca an Tiarna leis an íobairt seo ó do lámha, chun onóra agus glóire a ainm, chun sochair dúinne agus dá Naomh-Eaglais uile.**

#### Os Cionn na nOfrálacha

A Dhia na trócaire, glac leis an íobairt seo uainn, agus déan di foinsc fhial gach beannachta dúinn. Ár nguí....

#### PAIDIR EOCAIRISTEACH

*Go raibh anTiarna libh. Agus le do spiorad féin.*

*Tógaigi bhur gcroithe in airde.*

**Tá siad tógtha in airde chun an Tiarna againn. Gabhaimis buíochas lenár dTiarna Dia. Is ceart agus is cóir sin.**

**Is Naofa, Naofa, Naofa thú, aThiarna Dia na Slua.**